

An-ching Jringjrotna Tarisoahama?

(Do we prepare for Eternity?)

"Maina chinga u-ia chingni ia a-gilsakni tambu nok be-gipuode, Isolni rika, jakchi dakgija, jringjrotna dong-gipa salgio chingni nok gngang" (2 Kor.5:1).

Aganchengani:

Mande ia a-gilsako dong-kamjawa indiba jringjrotna Isolni daksamsoani gngang. Mande a-gilsako dikdiksasan dong-aigen indiba Isol an-tang baksa jringjrot dong-kamna Gitel Jisu Kristoo daksamsoaha. An-ching Jringjrotna Tarisoahama?

1. Mandeni Janggi Dikdiksanasan:

Billygraham changsao agana, **"Live each day as if it's your last. It may be"** – Salantion ian bon-kamani sal ine janggi tang-bo, "Maina na-simang dikdiksana nike gimagipa guuri" (Jakob 4:14). Ong-enggipa obostao darangba ia aiao inmagipa sabisini gimin indake ong-gen ine chanchisojachim. Chinani obostao America aro Europeni manderang chingonaba ia sabisi sokbae hajalni hajal manderang bikan sianggen ine chanchisojaha. Indiba tarakbegipa balminduri gita ia sabisi a-gilsak gimikonan sokangaha. Paul iano maina nok ine jakkalgija 'a-gilsakni tambu' ine mandeni janggina kattako jakkalha? Tambuko dikdiksa dong-na mamangsan jakkala aro baditaba salni gisepon tambuko jitrurae jakkala aro tambu nok gitade mangrakgipa ong-ja balwanaba ua kikna man-ia. Apsan daken mandeni janggiba ong-aia.

Mandeni sigimin bimang adimuan pilangaigen, "Na-a adimu aro na-a adimuan pilgen" (Aba.3:19). A-gilsakni mingsinggipa manderang sawa ia a-gilsako dongkamna bilko man-a? darangba ia a-gilsako dongkamna man-ja.

2. Isol Somoiko Pilaknan Don-aha (Aganprangkpa 3):

"Ua darangkon karitango nitoe dakaha; aro uamangni ka-tongo dongani salkoba donaha" (Agan.3:11). Saoba agangenma angnade Isol salko komie on-a, ong-ja ripengrang pilaknan somoiko tik daken don-aha. Isolni don-gimin salkoarang dakgiminrangba komiatna aro batatna man-jawa, maina Isol tik dake don-aha (God fixed the date). **"Ua jringjrotna kingking uarangkoba mangrakataha; Ua niamko dakaha, jeko pilakan badeangjawa"** (Git.148:6).

• Mandeni ming-3 dakgualani:

1. An-ching Isolni skaniko am-chengja

- o Da-al ba Knal ...songjinmaona Re-anggen
- o Badinggen
- o Man-dapgen????? So and So... (Jk.4:13)
- o An-ching Gitelni namnikode inede Plan ka-ja (Jk.4:15)

2. Mande an-tangni Dikdiksa A-gilsako ong-aniko guala.

- o Mandeni Janggi mai? ...dikdiksana nike gimagipa guuri (Jk.4:14).
- o Luk 12:16-20-Goka mandeni chanchisoaniko nika.
- o Mandeni gisik re-anitangko chanchisoa, Indiba Jihova uni jakurangko re-ata (Toe Skiani 16:9).

3. Minggipin An-chingni gualaniara

- o An-ching Namako dakna u-ie uko dakja, aro uan pap ong-a (Jk.4:17)

3. Isolni Jringjrotna Daksoani:

"...Isolni rika, jakchi dakgija, jringjrotna donggipa, salgio chingni nok gngang" (2 Kor.5:1). Paul iano maina jakchi dakgija ine mandeni janggini gimin aganaha ian angnade namen aiao inmanani ong-a. Mandeni been bimangko Tambu gita aro Janggiko jakchi dakgijagipa nok ine

toaha. **“Salgisakni be-enrang gngang, aro a-gilsakni be-enrang gngang, indiba salgisaknirangni rasong dingtang, aro a-gilsaknirangnin dingtang ong-a”** (1 Kor.15:40).

Mandeni be-en adimuaniko ra-aha, (body was taken out of earth ‘creation’) chongmotan dakgiminonikosa ra-aha. **“Na-a a-a piljaskal...maina unoniko nangko ra-aha na-a adimu aro na-a adimuan pilgen”** (Aba.3:19). Indiba Janggi jakchi dakgipa ong-ja uan Isol an-tangonisa ong-a, **“Aro Jihova Isol a-ani adimuko mande dakaha aro ua baljanggiko uni gingkolo spoataha, unon ua mande janggi gngangipa ong-aha”** (Aba.2:7).

Ia Isolni on-gimin Janggiko mande papchi gimaataha, indiba Gitel Jisu Kristoo ua janggiko Isol mandena on-taiaha, **“Isol an-chingna jringjrotni janggiko on-aha, aro ua janggi uni Depanteo gngang. Depanteko man-gipa janggiko man-aha, aro Isolni Depanteko man-gijagipa janggikon man-jaha”** (1 John 5:11-12).

Salgisakni be-en dakgiminoniko ra-gipa ong-ja **“Indiba Kristo jakchi dakgija chongmotan ia dakanirangoni ong-gija, dalbata aro chu-sokbata torom tambuchi ong-gni namarangni kamal dal-gipa re-baenba”** (Ibri.9:11). But when Christ appeared as a high priest of the good things that have come, then through the greater and more perfect tent (not made with hands, that is, not of this creation).

“Skanggipa mande a-aonin, a-ako daka ong-a; gnigipa mande salgionin ong-a” (1 Kor.15:47). Skanggipa be-en Adamonin chongmotan adimuoni, gnigipa be-en Kristooni **“gisiknin be-en”** (1 Kor.15:44). Jisu agana, **“Be-enoni atchigipa beenan, aro Gisikoni atchigipa gisikan”** (John 3:6). Isol Kristo Jisuo jringjrotna daksamsoaniko dakaha aro ua bebera-gipa sakanti **“jringjrotnaba sijawa”** (John 11:26), ian adimuni beenko aganjaenga indiba gisikni beenko aganenga.

Dingtang dakgnigipa salgini bimangko siani loljol indiba Kristo Jisuni rasong chabee salgioni re-bapilahaosa salgini beenko Jisuo bebera-gipa sakanti gangen. **“chon-kamni singga sikao an-ching pilakan dingtang dakako man-gen; maina singga sikgen, aro sigiminrang gimagijani ong-e chakatatako man-gen; aro an-ching dingtang dakako man-gen. Maina ia gimagnigipa gimagijaniko ganna, aro ia signi sigijaniko ganna nanggen”** (1 Kor.15:52-53). Maina, **“Jongadarang, be-en aro an-chi Isolni songnokko man-rikna amja; aro gimagni gimagijaniko man-rikja”** (1 Kor.15:50).

Isol Kristo Jisuo bebera-e jokatako man-gimin janggirangna ua salgini be-enrangko ganatgen aro uamangna aiao inmanpilgipa songnokko jringjrotna daksamsoaha, **“Jerangko mikron nikjaha, aro nachikol knajaha, Aro mandeni ka-tongo napjaha, Je jeko Isol an-tangna ka-sagiparangna daksoaha”** (1 Kor.2:9). Ia salgini be-enrangna Isol baksa jringjrotna dong-chakaniko Isol dakaha. **“Nibo manderang baksa Isolni dong-chakani aro ua uamang baksa donggen, aro uamang uni manderang ong-gen aro Isol an-tangn uamang baksa ong-gen, aro uamangni Isol ong-gen. Aro ua uamangni mikrononi pilak mikchiko u-sitgen; aro siani ong-jawaha aro kalimani, aro chrikani, aro saknaani ong-jawaha. Skango ong-giparang re-angaha”** (Para.21:3-4).

- o manderang baksa Isolni dong-chakani
- o siani ong-jawaha aro kalimani, aro chrikani, aro saknaani ong-jawaha
- o Skango ong-giparang re-angaha – Adimuoniko dakgipa been.

Ua songnok jringjrotni jringjrotna bon-jawaha (forever and ever). Ua salna Gitel Jisuona katnapna Isol cholko daaloba on-engkua, ua somoiko gamchatnikna. Billygraham agana, **“The greatest waste in all of our earth, which cannot be recycled is our waste of the time that God has given us each day”**.

- Story of President John Quincy Adams

- Story of Rev.R.W.Porteous of china – “Face to face with Christ, my Savior”